

आकाशवाणी

1. संसद दे दोनें सदनें च बजट सत्र दौरान राष्ट्रपति हुन्दे अभिभाषण पर धन्यवाद प्रस्ताव पर चर्चा शुरू होई।
2. धन्नवाद प्रस्ताव पेश करदे होई केंद्रीय मंत्री सर्बानंद सोनोवाल होरें आक्खेआ जे राष्ट्रपति हुन्दे अभिभाषण च देशें दे भविक्ख आस्तै इक प्रेरणादायक दृष्टिकोण पेश कीता गेआ ऐ।
3. अमरीका-भारत रणनीतिक भागीदारी मंच नै केंद्रीय बजट 2026-27 दा सोआगत कीता। इस्सी प्रगतिशील ते निवेश दे मूजब दस्सेआ। भारतीय स्टेट बैंक दे अध्यक्ष होरें आक्खएआ जे- बजट, नवाचार ते उन्नत विनिर्माण च भारत दी वैश्विक मुकाबलेवाजी गी मजबूत करोग।
4. सर्वोच्च न्यायालय नै केंद्र सरकार गी तमिलनाडु ते कर्नाटक बश्कार पेन्नैयार नदी जल विवाद गी सुलझाने आस्तै खास न्यायाधिकरण बनाने दा निर्देश दिता।
5. दिल्ली च कोहरे ते दूर तगर सेई चाल्ली नेई नजरी औने करी केई डोआरिएं ते रेलगाड़ियें दी आवाजाही प्रभावित होई।
6. एशियन राइफल ते पिस्टल शूटिंग चैंपियनशिप 2026 दिल्ली च शुरू।

## Loksabha

लोकसभा नै अज्ज संसद दे दोनें सदनें दी सांझी बैठक च राष्ट्रपति द्रौपदी मुर्मु हुन्दे अभिभाषण पर धन्यवाद प्रस्ताव पर चर्चा शुरू कीती। चर्चा आस्तै कुल 18 घंटे तय कीते गेदे न। सदन च धन्यवाद प्रस्ताव रक्खदे होई केन्द्रीय मंत्री सर्बानंद सोनोवाल होरें राष्ट्रपति मुर्मु हुन्दे अभिभाषण दा जिक्र कीता ते आक्खेआ जे राष्ट्रपति हुन्दे अभिभाषण च देशै दे भविक्ख आस्तै प्रेरणादायक दृष्टिकोण प्रस्तुत कीता गया ऐ। उने आक्खेआ जे एह सामाजिक न्याय, समावेशी विकास ते विकसित भारत बनाने दी सरकार दी प्रतिबद्धता गी दर्शान्दा ऐ। केन्द्रीय मंत्री होरें आक्खेआ जे सबका साथ, सबका विकास, सबका विश्वास ते सबका प्रयास दा मंत्र छडा इक नारा नेई ऐ, सगुआं सरकार आस्तै मार्गदर्शक सिद्धान्त ऐ। श्री सोनोवाल होरें आक्खेआ जे 2014 सोयां पैहले कांग्रेस दी अगुवाई आहली सरकार दौरान देशै दी नीतिगत गतिरोध, भ्रष्टाचार सोयां ग्रस्त सरकार ते परियोजनाएं दी अमलावरी च चिर जनेई समस्याएं दा सामना करना पेआ। उने दस्सेआ जे 2014 च नरेन्द्र मोदी सरकार दे औने मगरा भारत नै तेजिया कन्नै विकास ते चौतरफा प्रगति दी बत फगडी ऐ। श्री सोनोवाल होरें आक्खेआ जे अज्ज भारत दुनिया दी चौथी सब्बने था बड्डी अर्थव्यवस्था बनी गया ऐ। उने आक्खेआ जे देश पूरे आत्मविश्वास कन्नै विकसित भारत दे लक्ष्य दी ते बदा र दा ऐ। महामारी, संघर्ष ते आपूर्ति श्रृंखला च व्यवधान जनेह वैश्विक संकटें दे बावजूद भारत अजे बी सबने था तेजी कन्नै बददी प्रमुख अर्थव्यवस्था बनी दी ऐ। श्री सोनोवाल होरें दस्सेआ जे प्रतक्ख लाह अंतरण दे राएं लाभार्थिये दे खातें च सीधे 44 लक्ख करोड़ रुपे दिते गए न। उने एहबी आक्खेआ जे सरकार दे जतनें ते कल्याणकारी योजनाएं दे राएं





कारवाई जम्मू-कश्मीर दे लोकें दियें आसैं-तांगे गी पूरा करने गितै किट्ठे रलियै धेइया पक्का करने दा मौका बी उपलब्ध करोआंदा ऐ। उपराज्यपाल होरें केन्द्र शासित प्रदेश च बदलाव आनने दे जतनें च सहयोग देने लेई जम्मू-कश्मीर दे लोकें दा आभार प्रकट कीता ते अगगे बी लोकें दे हितें च कम्म करने दा प्रशासन दा धेइयां पक्का कीता।

<><><><><><>

### JKLA

जम्मू-कश्मीर विधानसभा गी अज्ज दो साबका नेताएं गी श्रद्धांजलि देने मगरा दिन भरै लेई स्थगित करी दिता गोआ। बजट सत्र दी शुरूआत उपराज्यपाल मनोज सिन्हा हुंदे संबोधन कन्नै होई ही, जेहदे मगरा स्पीकर होरें बारामुला दे साबका विधायक गुलाम मोहम्मद खान ते बडगाम दे एम.एल.सी ख्वाजा गुलाम मोहम्मद लोन, जिंदा काल पिछले बरै नवंबर ते दिसंबर म्हीने च होआ हा, होरेंगी श्रद्धांजलि दिती। सदन दे मिम्बरें उन्दे चेतै च दो मिंटें दा मौन रक्खेआ ते मगरा सदन दी कार्रवाई गी पूरे दिन लेई स्थगित करी दिता गोआ।

<><><><><><>

### Chairman-Pannel

जम्मू-कश्मीर विधान सभा दे स्पीकर अब्दुल रहीम राथर होरें बजट इजलास लेई अध्यक्षें दे पैनल लेई त्रं' ऊ विधायकें दे नाएं दी घोषणा कीती ऐ- जेहड़ा सदन दी कार्रवाइयें दी अध्यक्षता स्पीकर हुंदी गैर मजूदगी च करी सकोग। इंदे च M.L.A. इदगाह मुबारक गुल, M.L.A साम्बा सुरजीत सिंह सलाथिया ते M.L.A बांडीपुरा निजामुद्दीन भट्ट शामिल ऐ।



उनें आखेआ जे इस फैसले कन्ने महिलाएं आस्तै शिक्षा ते रोजगार दे बेहतर मौके यकीनी बनडन।

<><><><><><><>

India AI Summit

नमी दिल्ली च 16 फरवरी थमां शुरू होने आहले भारत ए.आई इम्पैक्ट शिखर सम्मेलन आस्तै 35 जहार थमां मते पंजीकरण हासिल होई चुके दे न। इलेक्ट्रानिक्स ते सूचना प्रौद्योगिकी मंत्रालय नै दस्सेआ ऐ जे 5 रोजा इस कार्यक्रम च 200 थमां मते मुख्यें दे प्रतिभागिं दे हिस्सा लैने दी मेद ऐ। एहदे च 15 थमां 20 राश्ट्राध्यक्ष बक्ख-बक्ख मुख्यें दे मंत्री ते 40 थमां मते प्रमुख वैश्विक ते भारती कंपनिं दे मुख कार्जकारी अधिकारी शामिल न। मंत्रालय नै दस्सेआ ऐ जे वैश्विक ए.आई इको सिस्टम दी करीब 500 प्रमुख हस्तियां एहदे च हिस्सा लैडन। सम्मेलन दे 7 प्रमुख कार्यक्रम च 3 लक्ख थमां मते प्रतिभागी शामिल होडन।

<><><><><><><>

NIA-Raids

राश्ट्री जांच एजेंसी एनआईए नै आतंकवाद सरबन्धी इक मामले च अज्ज श्रीनगर, बांडीपोरा ते बारामुला जिले च कई थाहरें पर छापेमारी कीती। एह् छापे बारामुला जिले दे राफियाबाद, सोपौर ते बोमेई इलाके च कीते गे न। एहदे अलावा श्रीनगर शैहरें दे पारिमपोरा इलाके ते बांडीपोरा जिले दी कई थाहें पर बी दापे मारे गे न। एह् कार्रवाई खिते च आतंकवाद रोधी अभियानें गी तेज करने दे मददेनजर कीती गई ऐ। होर ब्यौरे गी अजें बलगेआ जा'रदा ऐ।

<><><><><><><><>

## Future Warfare

मुख्य दी त्रों सेनाएं आस्तै भविष्य युद्ध कौशल पाठ्यक्रम दा त्रीया संस्करण अज्जै थमां नमीं दिल्ली च शुरू होआ। त्रै हफ्तें दे इस कार्यक्रम दा मकसद सैन्य अधिकारिणं गी अज्जै-कल्लै दे युद्ध दी जटल चुनौतिणं आस्तै त्यार करना ऐं एकीकृत रक्षा स्टाफ मुख्यालय ते संयुक्त युद्ध अध्ययन केंद्र दे सहयोग कन्नै संचालित एह पाठ्यक्रम आधुनिक समें च युद्ध कौशल पर प्रौद्योगिकी दे असर गी समझने पर केंद्रित ऐ।

<><><><><><><><>

## EAM-US Visit

विदेश मंत्री डॉ. एस जयशंकर होर अज्जै थमां त्रै दिनें दी अमरीका यात्रा पर रवाना होआ-रदे न। इस यात्रा दा मुख मकसद अमरीका दे विदेश मंत्री मार्को रुबियो हुंदे आसेआ आयोजित महत्वपूर्ण खनिजें कन्नै सरबंधी मंत्री स्तरीय बैठक च हिस्सा लैना ऐ। विदेश मंत्रालय नै इक बयानै च आखेआ ऐ जे मंत्रीस्तरीय बैठक च आपूर्ति श्रृंखला दी मजबूती, स्वच्छ उर्जा परिवर्तन ते महत्वपूर्ण खनिजें च रणनीतिक सहयोग पर ध्यान केंद्रित कीता जाहग।

<><><><><><><><>

## Def. Delegation Armania

प्रमुख रक्षा अध्यक्ष जनरल अनिल चौहान हुंदी अगुवाई च इक रक्षा प्रतिनिधिमंडल 4 रोजा आधिकारिक दौरै पर आर्मेनिया पुज्जा। इस दौरै दा मकसद दौनें मुखें बशकार



अंतरराज्यी दरेआ दा पानी इक राश्ट्री संसाधन ऐ ते कुसै बी राज्य दा एहदे पर बशेश अधिकार नेई होई सकदा। इस बारे तफसीली फैसले दा अजे इंतजार ऐ।

<><><><><><><><>

### Prez. Visit

राश्ट्रपति द्रौपदी मुरमू होर अज्जै थमां ओडिशा ते छत्तीसगढ़ दे 6एं दिनें दे दौरे पर जा'रदियां न। इस दौरान ओ बालासोर च फकीर मोहन युनिवर्सिटी दे दीक्षांत समारोह च शामिल होगंन ते एहदे नमें बनाए गेदे ऑडीटोरियम दा उदघाटन बी करगंन। 4 फरवरी गी राश्ट्रपति होर रायरांगपुर दे महुलडीहा स्थित कुड़ियें दे सरकारी हायर सकेन्द्री स्कूल च भंजबीर सुनाराम सोरेन हुंदी मूर्ति परा पड़दा गोआडगंन ते बच्चियें कन्नै गल्लबात बी करगंन। राश्ट्रपति हुंदा सरकारी आयुर्वेदिक मैडिकल कालेज ते अस्पताल- ओडिशा एग्रीकल्चर ते टैक्नॉलोजी युनिवर्सिटी- तीरंदाजी केन्द्र ते शैहरा दे पानी दी निकासी सरबंधी बक्ख-बक्ख परियोजनाएं दा उदघाटन जां नीह पत्थर रखने दा बी कार्जक्रम ऐ। इस महीने दी 6 तरीक गी राश्ट्रपति मुरमू होर सिमलीपाल च आदिवासी महिलायें ते नौजवानें कन्नै गल्लबात करगंन। एहदे इलावा ओ भुवनेश्वर च ग्लोबल फाइनेंस एंड टैक्नोलजी नैवटर्क दे सहयोग कन्नै ओडिशा सरकार आसेया आयोजित ब्लैक स्वैन शिखर सम्मेलन च बी हिस्सा लैगंन। 7 फरवरी गी उन्दा छत्तीसगढ़ दे जगदलपुर च बस्तर पांडुम 2026 महोत्सव दा उदघाटन करने दा बी कार्यक्रम ऐ।

<><><><><><><><>

IMD

राश्ट्री राजधानी दिल्ली च कई सारी डोआरियां ते रेल गड्डियां दूर तगर सेई चाल्ती नेई नजरी औने करी प्रभावित होइयां न। दिल्ली ब्हाई अड्डे नै सारे यात्रिएं गी सलाह दिती ऐ जे ओह् ब्हाई डोआरी बारै मुतल्लका एयर लाइन कन्ने राबता करन ते सेई जानकारी हासिल करन। भारती रेलवे मूजब रेल गड्डियां तकरीबन 2 घंटे चिरें चलारदियां न। यात्रिएं गी सलाह दिती गई ऐ जे ओह् रेल गड्डी बारै पूरी जानकारी पैहले सोयां गै लेई लैन। तोआई, मौसम विभाग नै अगले दो दिनें दरान दिल्ली, हरियाणा, पंजाब, चंडीगढ़, पूर्वी राजस्थान ते पच्छमी उत्तर प्रदेश च अगले दो दिनें दरान घनी धुंध पेदी रेई सकदी ऐ।

<><><><><><>

## Weather

मौसम विभाग नै जम्मू-कश्मीर च हलकी थमां दरमेयाने दर्जे दी बरखा ते बर्फबारी होने दी पेशनगोई नै केन्द्र शासित प्रदेश च अज्ज ते कल दपैहरी मगरा तगर कीती ऐ। कल संजा तगर भद्रवाह च 22 इशारिया 5 मिलीमीटर-डोडा च 16 मिलीमीटर ते किश्तवाड़ च 18 मिलीमीटर बरखा दर्ज कीती गई। उयां 4 फरवरी थमां 6 फरवरी तगर मौसम खुशक रहौग। 10 फरवरी तगर जम्मू-कश्मीर च मौसम आम तौरा पर खुशक गै रहौग ते एदे च कोई बड्डा बदलाव नैई होग।

<><><><><><>

## Iran US Warning

ईरान दे सर्वोच्च नेता अली खामेनेई होंरें अमरीका गी चेतावनी दिती ऐ जे अगर उंदे देश पर कुसै बी चाल्ली दा हमला कीता गया ते एहदा नतीजा क्षेत्रीय युद्ध दी शकल च होग। एह ब्यान ऐसे मौके पर आया ऐ- जिसलै अमरीका दे राष्ट्रपति डोनाल्ड ट्रम्प पच्छमी एशिया च अपनी फौजी ताकत गी बदा रदे न। इस बड्डे किट्ठ गी सम्बोधित करदे होई खामेनेई होंरें आखेया जे अमरीका- ईरान दे कन्नो-कन्नो ओहदे विशाल तेल ते प्राकृतिक गैस संसाधनें गी हड़पना चाहंदा ऐ। उनें एह बी आखेया जे हाल च गै सरकार विरोधी-प्रदर्शनें दौरान जेहड़ियां घटनां होइयां- ओह तख्तापलटने दे बरोबर हियां। उनें इस हिंसक अशांति गी “राजद्रोह” करार दिता। तोंआई अमरीका दे राष्ट्रपति ट्रम्प होंरें मेद बुज्झी ऐ जे ईरान कुसै समझौते आस्तै सहमत होई जाग।

<><><><><><>

### Shooting Championship

नशानेबाजी दी एशियाई राइफल ते पिस्टल शूटिंग चैम्पियनशीप-2026 अज्जै थमां नमीं दिल्ली दे डाक्टर करणी सिंह शूटिंग रेंज च शुरु होआ रदी ऐ। दंऊ हफते तोड़ी चलने आहली इस प्रतियोगिता च एशिया दे केई नामवर नशानेबाज हिस्सा लैगंन ते एहदे मते दिलचस्प रौहने दी मेद ऐ। एह मकाबले मर्दे ते महिलायें दे जूनियर ते युवा वर्गे च होगंन- जेहड़े 10 मीटर- 25 मीटर ते 50 मीटर राइफल ते पिस्टल मकाबले च उतरगंन। इनें मुकाबले च बी बक्ख-बक्ख श्रेणियां होगंन- जिंदे च व्यक्तिगत टीम ते मिक्सड वर्ग शामिल न। प्रतियोगिता च एशिया दे 17एं मुख्यें थमां खडारी हिस्सा लै करदे न।

<><><><><><><><>

## Peter Mandelson Resign

बरतानिया दे साबका मंत्री लॉर्ड पीटर मॅंडलसन होरें सत्तारूढ़ लेबर पार्टी थमां इस्तीफा देई दिता ऐ। एह इस्तीफा पूरे होई चुके दे फाइनान्सर ते योन अपराध दे दोषी जेफरी एपस्टीकन कन्नै उन्दे सरबंधें दियें खबरें दे बाद आया ऐ। एपस्टीन कन्नै अपने पराने सरबंधें कारण पिच्छले बरे अमरीका दे राजदूत दे ओहदे सवा बरखास्त कीते गेदे मॅंडलसन हुंदा ना जंदे शुक्रवारें अमरीका दे न्याय विभाग आसेया जारी फाइलें च सामने आया हा। इनें दस्तावेजें थमां पता लग्गा हा- जे एपस्टीन नै 2003 ते 2004 च त्रै बक्ख-बक्ख लैनदेन च लॉर्ड मॅंडलसन गी 75 जहार डॉलरें दा भुगतान कीता हा।

<><><><><><><><>

## Israel-Rafa

इज़रायल नै गाजा ते मिस्र दे मझाटै स्थित राफा आली बन्ना चौकी गी अद्दे-दुब्बे तौरा पर परतियै खोलने दी घोषणा कीती ऐ चौकी पर कब्जा कीते जाने दे बाद इस चाल्ली दी एह पैहली-पैहली कारवाई ऐ। मकामी मीडिया दियें रिपोर्टें मुजब इज़रायल दे अधिकारियें दा हवाला दिंदे होई गाजा दे बसनीकें दी आओ-जाई लेई इस चौकी गी अजमैश दे तौरा पर खोलया गया ऐ।

<><><><><><><><>

## Annual Grammy Awards

68मां सालाना जर्मनी पुरस्कार समारोह अज्ज बड्डलै लास एंजलेस ते Crypto. Com Arena च होआ। Comedian Trevor होरें इस समारोह दी 6मीं बारी मेजबानी कीती। Bad Bunny नै Album of the year अवार्ड जित्तेआ। म्यूजिक फिल्म अवार्ड जान विलियम हुंदी डाक्यूमेंट्री गी दित्ता गेआ ऐ। तिब्बती अध्यात्मिक नेता दलाई लामा होरें गी मेडीटेशन्स आस्तै सर्वश्रेष्ठ आडियो बुक कथन ते Story telling लेई पैहला Grammy हासल होआ।

<><><><><><>